

## HOM KAB MOB SIAB B (Hepatitis B-serum hepatitis)

Disease Fact Sheet Series

### **Hom Kab mob siab B zoo li cas?**

Kab mob siab B (lub npe thaud hu ua Kab mob siab hauv roj ntsha) yog tus kab mob siab B ua mob rau daim nplooj siab. Tus mob no kuj muaj tsis tseg; ib xyoos twg, nyob rau hauv lub xeev Wisconsin no muaj txog li 75 tus neeg tau raug tus mob no thiab li 500 tus neeg uas kuaj pom muaj tus kab mob/los lwm feem ntawm tus kab mob.

### **Leej twg ntxim yuav raug tus kab mob siab B no?**

- Cov neeg uas txhaj yeeb tshuaj (injection of drug users)
- Cov neeg ua hauj lwm hauv chaw kho mob
- Cov txiv neej uas deev txiv neej
- Cov neeg uas deev coob leej ntau tus
- Cov neeg lim ntshav (Hemodialysis)
- Cov neeg nrog tus neeg mob nyob ib tse thiab nrog nws ua niam txiv
- Cov me nyuam mos liab yug ntawm leej niam muaj tus kab mob
- Me nyuam mos/me nyuam yaus uas tuaj ntawm cov teb chaws muaj tus mob no ntau tuaj

### **Tus kab mob no kis tau li cas?**

Tus kab mob no yuav kis thaum nphav raug cov ntshav, cov ntshav ntshiab, txiv neej cov phev, poj niam cov kua nruab nrog cev hauv qhov chaw mos. Kuj kuaj tsis pom muaj nyob hauv cov qaub ncaug. Yuav kis tau tus kab mob no yog thaum nphav raug tus tib neeg muaj tus kab mob no tej kua nruab nrog cev; nphav raug rab koob uas tau muab hno lwm tus neeg, los yog sib qev koob, thiab kis raws kev ua niam txiv. Tus kab mob no yuav tsis kis raws kev ua pa los yog kev nyob sib ze sib khuav.

### **Cov tsos mob ntawm tus kab mob siab B no zoo li cas?**

Cov tsos mob ntawm tus kab mob siab B muaj xws li no: nkees, tsis qab los, xeev siab, ntuav, mob plab thiab tej zaum mob pob qij txha los sis tawm pob. Tom qab, tej zaum cov zis yuav dub ces yuav pom tej tawv nqaij thiab lub ntsiab muag dawb yuav daj. Ntau tus neeg uas raug tus mob no kuj tsis pom muaj cov tsos mob li no tshwm sim; tsuas pom li 10% ntawm cov me nyuam thiab 30-50% ntawm cov neeg laus thiaj li pom tej tawv nqaij thiab ntsiab muag dawb daj li hais saum no xwb.

### **Thaum twg mam pom cov tsos mob tshwm?**

Yuav yog li ntawm 2-3 hlis tom qab tau kis tus kab mob no tas mas thiaj pom cov tsos mob tshwm (khwv yees li: ntawm ib lub hlis ntau mus txog 6 lub hlis).

### **Lub sij hawm twg tus neeg muaj tus kab mob no yuav kis tau rau lwm tus?**

Tus kab mob yuav nyob rau hauv cov ntshav thiab cov kua nruab nrog cev ntau lub lis piام mas pom tsos mob tshwm sim ces yuav ua mob tsuj tsawv txog li 3 lub hlis. Soj ntsuam tau tias, thaum ib tug neeg raug mob tas yuav zoo tu qab thiab ntaus tau tus kab mob tawm hauv lub cev mas yuav yog saib thaum nws muaj hnub nyog li cas nws kis tau tus kab mob no.

Muaj txog li 80-90% cov me nyuam tau kis tus kab mob no thawj thawj xyoo ntawm lawv lub neej, li 30-50% ntawm cov me nyuam uas kis tau thaum muaj hnub nyog li ntawm 1-4 xyoo thiab 5-10% ntawm cov me nyuam kis tau tom qab muaj 6 xyoo. Cov neeg uas muaj tus kab mob siab B no mas yuav kis tau tus kab mob rau lwm tus thiab li 15-25% yuav tuag taus rau yav hluas vim lawv daim siab mob npuas paug *cirrhosis* los yog mob *cancer*.

## **Yuav kho tus kab mob no li cas?**

Tsis muaj ib hom tshuaj tshwj xeeb los yog tshuaj tua cov kab mob los kho thaum tus neeg chiv mob lawm. Tam sim no, tsuas muaj cov tshuaj hu ua *alpha interferon* siv rau cov neeg uas muaj tus kab mob xwb. Yuav siv cov tshuaj no los yog thaum twg kuaj tau daim nplooj siab meej tias tus neeg yeej muaj tus kab mob lawm tiag. Tsuas muaj txog li 40% cov neeg muaj tus kab mob no thiaj haum cov tshuaj no xwb. Niaj hnub no, tej kws txuj tseem nrhiav kev tsim lwm yam tshuaj los mus kho tus kab mob siab B no lawm yav tom ntej.

## **Cov neeg mob los yog cov muaj tus kab mob siab B yuav ceev faj li cas?**

Tus neeg ntawd yuav tsum tu nws tej ntshav thiab tej kua nruab nrog cev kom zoo thiaj yuav pab tiv thaiv kom kis tsis tau tus kab mob rau lwm tus. Tus neeg uas muaj tus kab mob yuav tsum tsis txhob sib qev chaiv, tus txhuam hniav, koob, los sis lwm yam uas tau kis nws cov ntshav lawm. Cov txiv neej yuav tau siv cov hnab roj hmab looj tus qau hu ua (latex condoms) thaum lawv nrog leej twg pw ua ke siv deev, tsis hais cov txiv neej uas deev txiv neej los yog cov deev poj niam; ua li no kuj yuav pab tau kev sib kis tsawg me ntsis. Tus neeg uas muaj tus kab mob yuav tsum tsis txhob mus tso ntshav pub rau tsev khaws ntshav thiab yuav tsum qhia rau nws tus kws kho hniav thiab kws kho mob paub txog nws tus kab mob kom lawv thiaj li ceev faj npaj tiv thaiv lawv tus kheej.

## **Yuav tiv thaiv tus kab mob siab B no li cas?**

Yuav tiv thaiv ua ntej yuav nphav raug tus kab mob los yog tom qab kiag uas tau nphav raug. Yuav kom tsis txhob nphav raug, mas kuj muaj tshuaj txhaj los tiv thaiv rau txhua tus me nyuam mos, rau cov me nyuam yaus muaj 11-12 xyoos, thiab rau cov neeg uas lawv txoj hauj lwm yog txoj hauj lwm keev yuav nphav raug tus kab mob no (xws li, cov neeg ua hauj lwm kho mob) thiab cov neeg uas muaj tus yam ntxwv ntxim yuav raug tus kab mob no yooj yim (piv txwv li, cov neeg txhaj yeeb tshuaj (injection of drug) thiab cov neeg deev coob leej ntau tus. Cov neeg uas nrog tus neeg muaj tus kab mob no nyob ua ib yig thiab tus nws nrog sib deev yuav tsum txhaj tshuaj tiv thaiv thiab tus neeg uas nrog nws sib deev yuav tau tso ntshav kuaj tom qab txhaj peb koob tshuaj tas lawm saib cov tshuaj puas tiv thaiv tau nws.

Tom qab nphav raug tus kab mob tas mas yuav tau txhaj koob tshuaj hu ua hepatitis B immune globulin (HBIG) nrog rau koob tshuaj hu ua hepatitis B vaccine los tiv thaiv.

- Cov me nyuam mos liab uas leej niam muaj tus kab mob. Vim tus me nyuam yuav nphav tau leej niam cov ntshav lub caij daws cev, mas lub caij xeeb tub, txhua tus poj niam yuav tsum tau tso ntshav kuaj txog tus kab mob siab no. Tus poj niam twg uas kuaj pom muaj tus kab mob no mas nws tus me nyuam yuav tau txhaj koob tshuaj hu ua HBIG thiab thawj koob tshuaj hepatitis B vaccine hauv 12 teev tom qab tus me nyuam yug los. Tus me nyuam mos liab yuav tsum tau txhaj koob tshuaj hepatitis B vaccine ntxiv thaum nws muaj 1-2 hlis thiab thaum muaj 6 hli.
- Cov neeg uas tau nrog tus neeg mob no sib deev mas yuav tsum tau txhaj koob tshuaj HBIG hauv ob lub lis piam tom qab zaum kawg uas sib deev tas.
- Tus neeg muaj mob tsev neeg tsis tas yuav txhaj koob tshuaj HBIG, tab sis, yog leej twg ho tau nphav raug tus neeg mob cov ntshav hauv ob lub lis piam tas los no mas thiaj li yuav tsum tau txhaj. Yog muaj lus nug txog kev tiv thaiv tus kab siab B los yog tom qab tau nphav txog tus kab mob no ces hu mus nug koj tus kws kho mob los puas tseem fwv feem saib xyuas pej xeem kev noj qab haus hauv koj lub zos.